



*Agency for Development of Higher Education and Quality Assurance*

Broj: 05-33-1-325-*22*/15  
Datum: 08.08.2016. godine

Na osnovu člana 61. stav 2. Zakona o upravi („Službeni glasnik Bosne i Hercegovine“, broj 32/02 i 102/09) i člana 132. Zakona o upravnom postupku („Službeni glasnik Bosne i Hercegovine“, br.29/02, 12/04, 88/07, 93/09 i 41/13), a u vezi sa članom 49. alineja 8 Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine br. 59/07 i 59/09), na prijedlog Komisije za ocjenu usklađenosti rješenja o akreditaciji visokoškolske ustanove Sveučilište/Univerzitet „Vitez“ Vitez, direktor Agencije *donosi:*

## **R J E Š E N J E**

U Državni registar akreditovanih visokoškolskih ustanova u Bosni i Hercegovini, izvršiti upis visokoškolske ustanove Sveučilište/Univerzitet „Vitez“ Vitez.

Za izvršenje rješenja zadužuje se Sektor za obezbjeđivanje kvaliteta.

## **O b r a z l o ž e n j e**

Ministarstvo obrazovanja, nauke, kulture i sporta Srednjobosanskog kantona je dostavilo Rješenje o akreditaciji visokoškolske ustanove Sveučilište/Univerzitet „Vitez“ Vitez, broj 03-38-1454/15-6 od dana 10.05.2016. godine, s ciljem upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.

Komisija za ocjenjivanje usklađenosti rješenja o akreditaciji imenovana rješenjem broj: 05-33-1-325-17/15 od dana 24.05.2016.godine, vršeci ocjenjivanje usklađenosti rješenja o akreditaciji je zapisnikom broj: 05-33-1-325-18/15 od dana 13.06.2016.godine, konstatovala da predmetno Rješenje o akreditaciji sadrži formalni nedostatak, koji se odnosi na pouku o pravnom lijeku u kojoj se kaže: „Protiv ovog rješenja se može izjaviti žalba u roku od 15 dana od dana prijema rješenja. Žalba se izjavljuje Agenciji za razvoj visokog obrazovanja i osiguranje kvaliteta BiH Banja Luka, a podnosi se putem Ministarstva obrazovanja, nauke, kulture i sporta KSB/SBK u dva primjerka.“, što nije u skladu sa Okvirnim zakonom o visokom obrazovanju u Bosni i Hercegovini, kao ni članom 27. Pravilnika o postupku akreditacije visokoškolskih ustanova i studijskih programa u Srednjobosanskom kantonu („Službene novine Srednjobosanskog kantona“, broj:06/14 i 14/14).

Agencija je nadležnom Ministarstvu uputila Preporuku za otklanjanje nedostatka Rješenja o akreditaciji visokoškolske ustanove Sveučilište/Univerzitet „Vitez“ iz Viteza, broj: 05-33-1-325-19/15 od dana 23.06.2016.godine, radi otklanjanja uočenog nedostatka predmetnog Rješenja.

Komisija za ocjenu usklađenosti je utvrdila da je Ministarstvo postupilo u skladu sa datom preporukom, te izvršilo ispravku predmetnog Rješenja, Zaključkom o ispravci rješenja, broj: 03-38-1454/15-7 od dana 06.07.2016.godine, a koji je u Agenciju zaprimljen dana 15.07.2016.godine.

Uzimajući u obzir da je nadležno Ministarstvo obrazovanja, nauke, kulture i sporta Srednjobosanskog kantona Zaključkom ispravilo grešku navedenu u pouci o pravnom lijeku Rješenja o akreditaciji visokoškolske ustanove Sveučilište/Univerzitet „Vitez“ iz Viteza, a Komisija za ocjenu usklađenosti predmetnog Rješenja u skladu sa Instrukcijom o načinu ocjenjivanja usklađenosti rješenja o akreditaciji sa minimalnim standardima iz područja visokog obrazovanja i kriterijumima za akreditaciju visokoškolskih ustanova u Bosni i Hercegovini, broj: 06-02-1-766/11, od 04.11.2011. godine, dala prijedlog direktoru Agencije da se izvrši upis visokoškolske ustanove Sveučilište/Univerzitet „Vitez“ iz Viteza, u Državni registar akreditovanih visokoškolskih ustanova u Bosni i Hercegovini, te nakon uvida u Zapisnik Komisije koja je izvršila ocjenjivanje usklađenosti rješenja o akreditaciji visokoškolske ustanove Sveučilište/Univerzitet „Vitez“ iz Viteza, sa Odlukom o normama kojom se određuju minimalni standardi u oblasti visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i Odlukom o kriterijumima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 75/10 i 44/13), odlučeno je kao u dispozitivu ovog rješenja.

**Pouka o pravnom lijeku:** Protiv ovog rješenja može se izjaviti prigovor direktoru Agencije u roku od osam dana od dana prijema rješenja.

Dostaviti:

1. Sektoru 05
2. a/a

**DIREKTOR**

Prof. dr. Enver Halilović